

江

西

通

志

(七)

江西通志卷一百三十四

列傳一 南昌府一

漢 吳埶

陳夫乞豫章人秦二世元年劉項起夫乞率徒蜀水之北築壇絕巘以祭黃帝蚩尤寨於山之陽市公入關夫乞率其徒及之扛里從下咸陽後以都尉擊羽將軍定燕高帝六年論功封高胡侯邑千戶孝文五年薨諡忠侯子程襲爵薨無後國除後鄉里即其壇立高胡侯廟以祀之水旱疾疫禱皆應千五百餘歲血食不絕有漢永平二年斷碑可辨幸元龍鵲州高胡壇記謹案陳表封爵夫乞爲何郡人史記漢書無考詳

章文豫章人帝五年灌嬰定吳豫章五十二縣文以

江西通志卷一百三十四

一

南昌當諸道之衝進計於嬰築郡城嬰然之使文董其役勞來販築經書居多郡民德焉及卒祠而祀之於江濱歷代不廢宋大觀二年賜額需澤廟今城北章江廟是也南昌者舊記謝志傳案章文安志爲章交今從白志

羅珠高帝時從灌嬰定豫章有功德於民卒官子孫因家焉晉末有羅企生遵生今南昌柏林羅氏是其後也明羅洪先家譜備述其事南昌者舊記

曾據其先封鄮鄮亡去邑爲氏王莽亂據棄都鄉侯之豫章家之蓋豫章之後分爲南豐王荆公集

李淑豫章人爲更始軍師將軍上書諫曰三公上應台宿九卿下括河海故天工人其代之陛下定業雖因下

江平林之勢斯蓋臨時濟用不可施之既安宜釐改制

度更延英俊因才授爵以匡王國今公卿大位莫非戎

陳尙書顯宦皆出庸伍資亭長賊捕之用而當輔佐綱維之任唯名與器聖人所重今以所重加非其人望其

毗益萬分興化致理譬猶緣木求魚升山采珠海內望此有以闕度聖祚臣非有憎疾以求進也但爲陛下惜

此舉錯敗材傷錦所宜至慮更始怒繫淑詔獄後漢書劉元傳

何湯字仲弓豫章南昌人建武十九年顯宗始立爲皇太子選求明經擢湯爲虎賁中郎將以尙書授太子世

祖從容問湯本師爲誰湯曰沛國桓榮榮門徒常四百餘人湯爲高弟榮年四十無子湯爲更娶生三子榮甚

重之後拜郎中守開陽門候上微行夜還湯閉門不納更從中東門入明旦召詣大官賜食諸門侯皆奪俸建

江西通志卷一百三十四

二

武十六年夏火旱公卿皆暴露請雨洛陽令著車蓋出門湯將衛士鈎令車收按詔免令官拜湯虎賁中郎將上嘗歎曰糾糾武夫公侯干城何湯之謂也後漢書桓榮傳并注

程曾字秀升南昌人受業長安習嚴謝志顏氏春秋積十餘年還家講授會稽顧奉等數百人常居門下著書百餘篇皆五經通難又作孟子章句建初三年舉孝廉除

海西令後漢書謹案南昌志稱程曾七歲喪母祖母平御覽引師覺授孝子傳程曾字孝孫桂陽人類聚引同是桂陽程曾非豫章程會會志誤合爲一

喻猛一作字驕孫豫章人和帝時官蒼梧太守以清白爲理郡人頌之曰於維蒼梧交趾之域禹貢厥人島夷

皮服大漢維宗迪以仁德出自中臺鎮於外國鳩集以禮南人入服簡於帝廷功化畢植太平御覽

謹重字文疊南昌人和帝時除薛令以德行聞父卒哀號廬墓致白兔馴擾再舉有道以高第除郡博士京輔都尉右內史衛尉大司農詔加奉車都尉荊州長刺一作史政績甚著卒人即所居立廟祀之今郡城南謹侯廟

是也
南昌舊志謝志
舊案謹重林志作仲

劉陵字孟高豫章艾人和帝時爲長沙安成長先是長沙多虎爲百姓患陵到官逾月虎悉出境民復還其居入爲侍中車駕出祀南郊陵驟乘上升輿假寐陵跪曰陛下萬乘主升輿宜正立雖早嚴欲寢不當上爲天地靈祇下爲百姓觀觀邪上愧謝曰敬受侍中之言謝承後漢書

羊茂字季實豫章人爲郡功曹布被不覆軀布衣不周

江西通志卷百三十四南昌府

三

身郡將察其廉遺之布被衣袴皆不受後官東郡太守冬坐白羊皮夏處單板榻常食乾飯出界買鹽豉妻子不厯官舍謝承後漢書
謝志舊案羊茂官蹟太平御覽引謝承後漢書所載甚詳豫章書引列士傳以羊爲華作兩人者謬白志駁正謹案謝志於羊茂傳下次唐檀考後漢書唐檀列方伎傳白志從之今仍入方術

項誦字和叔豫章人順帝時爲郡主簿有風義時太守爲屬縣所誣詔逮誦隨守入京師聽理要引自刺血

出滂沱齒皆墮地守以是得白謝承後漢書

徐穉字孺子南昌人少爲諸生學顏氏春秋京氏易歐陽尚書兼綜風角星官算厯河圖七緯推步變易家貧常自耕稼非其力不食恭儉義讓所居服其德屢辟公府不起陳蕃爲郡太守以禮請署功曹穉既謁而退蕃

在郡不接賓客惟穉來特設一榻去則懸之後舉有道拜太原太守皆不就延熹二年蕃與僕射胡廣上疏薦穉宜擢登三事帝問穉與袁閎韋著孰先蕃曰閎生出公族聞道漸訓著長於三輔禮義之俗所謂不扶自直

不鑠自雕至於穉者爰自江南卑薄之域而角立傑出宜當爲先詔以安車元纁備禮徵不至穉先後爲諸公所辟及會太尉黃瓊葬既反郭泰聞之疑其穉也選能言生茅容輕騎追及於途容爲設飯共語稼穡之事臨別謂容曰爲我謝郭林宗大樹將顛非一繩所維何爲栖栖不遑甯處及泰母喪穉往弔置生芻一束於廬前而去眾怪之林宗曰此必南州高士徐孺子也詩不云乎生芻一束其人如玉吾無德以堪之靈帝初卒年七

江西通志卷百三十四南昌府

四

十二後漢書
傳并注

李贇豫章人陳修爲豫章太守以郡風俗不整常卷坐席惟徐穉及贇數詣問焉乃待以殊禮府志

徐允字季登穉之子篤行孝弟亦隱居不仕少遭父母喪致毀嘔血躬耕稼穡倦則誦經貧窶困乏執志彌固

不受惠於人太守華歆禮請相見因病不許漢末寇賊縱橫皆轉相約敕不犯其閭後漢書

張載字仲宗豫章人任廣陵太守舉郡人吳奉一作素爲孝廉及解官歸奉齋金爲禮載閉門不受奉以囊盛金

夜投載閭中而去載覺追之不及乃齋金至廣陵還之謝承後漢書

宗度高宏俱豫章人度字文叔爲定陵令以土杯飯麥

飯宏為琅邪相以桑杯盛醬謝承後漢書謝志舊案豫章書宗度作宋叔平人

鄧通字子文一作淵豫章西平人沈毅有學行官馮翊太守不通賓客京師號曰鄧獨坐南昌者舊記

李朝字伯丞南昌人有文章才桓帝時為魏郡監黎陽營謁者和平元年立張公碑於黎陽朝作歌九章頌之

釋錄

周騰字叔達南昌人為侍御史桓帝當南郊平明應出

騰仰觀曰夫王者象星今中宮星及策馬星悉不動上

明日必不出至四更皇太子卒遂止史記天官書正義

施陽字季儒字倫豫章人以德行聞漢末為舒令之官

道經江下時寇盜方熾陽遇劫奪盜已去陽視車席下

江西通志卷百三十四列傳南昌府

五

尚有錢五千追以予盜盜愧其義悉以所掠還之陽謂

其已污拒不肯受付亭長而去林志謝志舊案陽為晉人與志異謹案初學記引徐整豫章列士傳議郎舒令施陽作宜春人

羅劭字仲進豫章南昌人建安初為侍中李傕作難帝

欲幸宏農避之渡河御船同舟濟者太僕楊彪宗正劉

艾侍中种輯及劭開闢扈從扶危濟險雖矢刃交前不

顧也車駕還洛封劭等為列侯袁宏後漢紀豫章列士傳

黃向字文舉豫章人晨步路中得珠珎一囊可直三百

餘萬求主還之主欲以半物謝向委去不顧謝承後漢書

聶友字文悌豫章人少為縣吏虞翻徙交州縣令使友

送之翻與語奇焉屬豫章太守陳斐以為功曹郡時見

有功曹斐見之問曰縣吏聶友可堪何職對曰此人

豫

閒小吏耳猶可堪曹佐斐曰論者以為宜作功曹君其

避之乃用為功曹使至都諸葛恪友之由是知名及恪

出軍圍新城退還友知其將敗遺滕允書曰當人強盛

河山可拔一朝盈縮人情萬端言之悲歎恪誅後孫峻

忌友欲以為鬱林太守發病憂死三國吳志諸葛恪傳注

徐宗豫章人以才辯著名與北海孔融交善仕吳為中

郎將安志白志舊案徐宗林志不載安志南昌者無事蹟蓋宗崇字體相

近謂為兩人也今刪定

譙禮字秀登南昌人大帝時舉德行拜尚書倉部郎中

撰書儀十二卷行世白志原案氏族大全以為禮為漢人兩處重見

楊迪豫章人太帝時為宣詔郎時廷尉隱蕃交結豪雋

江西通志卷百三十四列傳南昌府

六

自衛將軍全琮以下皆傾心敬待之唯迪及南昌羊道

拒不與通蕃後叛逆伏誅三國吳志

龔石字顯光豫章人黃武元年會稽謝斐為郡守獲罪

見收石因帝出幸具表陳訴候駕於道頓首血出會天

大風雪流血成冰帝駐車省章斐罪得理林志白志舊記石作顯光

胡林字吉甫豫章人為潯陽令有德化嘉禾生於庭白

鸞翔於野後遷九真都尉河東太守豫章書

胡勃字欽宗南昌人為郡功曹嘉禾二年太守黃翊為

人所誣勃懷斧詣闕乞代翊罪翊得降有後為廬江太

守車騎將軍吳亡入晉不仕豫章書

氏鄧氏熊氏號豫章四姓考晉書范甯為豫章太守大

設庠序取四姓子弟皆充學生梁書張紇為豫章內史

在郡述制百禮記正言義四姓衣冠士子
聽者常數百人則豫章四姓其來久矣
熊睦豫章人孫皓時廣州刺史入爲尚書見皓苛虐微
有諫諍皓怒以刀鏝撞殺之王謨豫章文獻略謹案
考定睦爲豫章人今據補

晉

雷煥豫章人初斗牛閒常有紫氣及吳平紫氣愈明張
華聞豫章人雷煥妙達象緯要煥登樓仰觀煥曰寶劍
之氣上徹於天耳乃補煥爲豐城令掘獄入地四丈餘
得一石函中有雙劍並刻題一曰龍泉一曰太阿其夕
斗牛閒氣不復見煥以南昌西山北巖土以拭劍光芒
豔發因遣使送一劍并土與華留一自佩或曰得兩送
一可乎煥曰本朝將亂張公當受其禍此劍當繫徐君

江西通志卷一百三十四

七

墓樹耳靈異之物終當化去不永爲人服也華得劍愛
之嘗置坐側華以南昌土不如華陰赤土報煥書曰詳
觀劍文乃干將也莫邪何復不至雖然天生神物終當
合耳因以華陰土一斤致煥更以拭劍倍益精明華誅
失劍所在煥卒子華爲州從事持劍行經延平津劍忽
於腰閒躍出墜水使人沒水取之不見但見兩龍各長
數丈蟠繞有文章沒者懼而返須臾光彩照水波浪驚
沸於是失劍華歎曰先君化去之言張公終合之論此
其驗乎晉書謝志舊案雷煥事載張華傳中據晉史
建安十五年吳分豫章爲鄱陽郡追晉時鄱陽久別爲
郡不屬豫章矣煥果鄱陽人史傳不應仍稱豫章不知林
志安志更有何據皆以爲鄱陽人之
喻合字匡孫南昌人好學不慕榮隱居廬山北阜布衣

蔬食三十餘年吳主皓晉武帝皆徵不起林
徐整字文操見陸德明豫章人博學好著述吳時官太
常卿吳亡仕晉有豫章列士傳三卷毛詩譜三卷孝經
默注一卷三五歷紀二卷通歷二卷具鄭樵通志藝文
略南昌者

熊鴻豫章人晉初七辟不就豫章古

鄧榮字文豔南昌人父遄榮邑令後漢末自南陽徙家
焉榮善言詞博通經典眉目疏秀腰帶十圍任散騎常
侍撰晉史十卷太平御覽謝志舊案晉書鄧榮長沙
志及安志皆作榮通志作榮今從御覽榮撰晉史
當爲晉人林志安志謂三國吳人今從白志改正
熊遠字孝文豫章南昌人有志尚縣召爲功曹不起強
與衣幘扶之使謁薦於郡辟文學掾遠曰辭大不辭小

江西通志卷一百三十四

八

也請留縣太守察遠孝廉歷甯遠護軍元帝作相引相
謝志作卽位引作爲主簿上疏宜命將至洛修園陵救
社稷卽遣祭又建議修農桑禁游食時議美之建興初
正旦將作樂遠諫曰孝懷皇帝梓宮未反人神共忿正
始之初於是觀禮今榮耳目之觀崇戲弄之好非納軌
物有虧大教元帝納之累遷散騎常侍帝每歎其公忠
及中興建轉御史中丞時尙書刁協用事眾憚之遠奏
免協官冬雷電大雨帝下書責躬遠復上疏陳三失累
遷侍中出補會稽內史時王敦作逆沈充應之加遠將
軍距不受保境安眾爲務徵還拜太常卿加散騎常侍
敦深憚之數月卒弟縉名亞於遠官鄱陽太守晉書
熊鳴鴻豫章人縉子官武昌太守能文章有文集十卷

豫章古

羅企生字宗伯豫章人初拜著作佐郎殷仲堪鎮江陵引為功曹累遷武陵太守未之郡而桓元來攻江陵仲堪更以企生為諮議參軍仲堪多疑少決企生謂弟遵生曰殷侯仁而無斷事必無成吾當死生以之仲堪果走文武無送者惟企生從焉路經家門遵生謂曰家有老母將欲何之企生揮淚曰今日之事我必死之汝等奉養不失子道一門之中有忠有孝亦復何恨元遂害之先是元以羨裴遺企生母胡氏及企生遇害即日焚裴書

喻歸豫章人官西河太守撰西河記二卷廣韻作俞歸

前漢書同附錄志作喻歸何氏姓范云東晉有喻歸南昌縣志案語並引之又引宋鄭樵通志氏族喻云

江西通志卷三十四列傳九

南昌有喻氏又有喻氏又云今南昌無喻姓又據喻氏譜云歸亦蒼梧太守之裔居詔賢鄉白社里云云廣

志引豫章書謝志引廣韻皆作喻從之

熊默南昌人會稽太守撰豫章志三卷輿地紀勝

鄧忠岳豫章人著交州記三卷豫章書

俞益期豫章人性氣剛直不下曲俗遠適交州與豫章守韓康伯書論檳榔以寄況著交州賤傳於世豫章書

宋

胡藩字道序南昌人少孤居喪以毀聞太守韓康伯見之曰當以義烈成名辟參都恢征國軍事過江陵因說殷仲堪曰桓元意趣不常節下崇待太過非將來計仲堪不悅後元以藩參軍事元為劉裕所破出奔藩追及元於蕪湖元見藩喜謂張須無曰卿州故為多士今復

見王修裕素聞藩直言於殷氏又為元盡節召參鎮軍

軍事從征慕容超超軍屯聚臨朐藩言於裕曰賊屯軍城外留守必寡今往取其城而斬其旗幟此韓信所以

克趙也裕乃遣藩與檀韶潛往即克其城從攻盧循循

走豫章立柵左里藩破其柵循單舸走眾皆降裕攻司

馬休之復以藩為參軍領游軍於江津休之臨馬頭岸

置陳岸峭壁立數丈藩以刀頭穿岸劣容脚指於是徑

上隨之者稍多及登殊死戰休之遂敗走伐秦之役藩

統別軍至河東暴風漂輜重艦度北岸魏軍牽得之藩

氣憤率左右乘小船徑往河北射退敵騎盡收所失而

反又遣藩及朱超石追魏軍於平城魏騎數萬合圍藩

及超石不盈五千里戰大破之還參相國軍事裕受晉

禪藩入宋累官太子左衛率卒諡壯侯子西陽太守隆

世嗣南

江西通志卷三十四列傳十

鄧允之南昌人為征國長史吏部郎豫章太守光祿勳

世代衣冠號為名族子琬為晉安王鎮軍長史行江州

事南昌書舊記謹案允之曾祖混祖元並為晉尚書

吏部郎父潛之鎮南長史故記以為世代衣冠也

雷次宗字仲倫南昌人晉末入廬山事沙門慧遠為志

好學尤明三禮毛詩隱退不受徵辟宋元嘉中徵至都

開館於雞籠山聚徒教授車駕數至資給甚厚久之還

廬山後又徵詣都築室鍾山號招隱館使為太子諸王

講喪服經次宗不入公門乃聽自華林東門入延賢堂

就業卒於鍾山子肅之頗傳其業南史

齊

胡諧之南昌人宋世齊武帝領江州以諧之爲別駕委以事任武帝受禪用舊恩拜給事中驍騎將軍本州中正累遷左衛將軍諧之風神瓌潤有識見每朝廷官缺及應遷代密量上所欲用皆如其言既處要津頗有徵求之義永明閒遷都官尙書轉度支領衛尉卒謚肅侯

史南

熊襄豫章人著齊典上起十代其自序曰尙書堯典謂之虞書則附所纂述通謂之齊書亦名河洛金匱

梁

滕曇恭南昌人五歲母楊氏患熱思食寒瓜土所不產曇恭歷訪不能得銜悲哀切俄值一桑門曰我有兩瓜分一相遺還以餉母舉室驚異尋訪桑門莫知所在及

江西通志卷一百三十四 南昌府

士

父母卒水漿不入口者旬日感慟嘔血絕而復蘇冬不著繭絮蔬食終身每至忌日哀不自持豫章內史王僧虔引爲功曹辭不就工儉時隨僧虔在郡敬慕之號爲滕曾子天監元年陸連奉使還察風俗表言其狀

南史

王綜南昌人武帝時官魯郡太守嘗役家僕於所部職田中耕得銀三萬五千斤送宮又爲丹陽尹部民獲蒼壁一枚廣一丈六尺亦不入私梁起居注載其事

南昌府

熊康之南昌人性至孝父被酒醉爲奴所殺康之終身不復嘗酒

顏氏家訓

唐 南唐 南漢 南唐

沈季詮字子平洪州豫章人少孤事母孝未嘗與人爭

皆以爲怯季詮曰吾怯乎爲人子者可遺憂於親乎貞觀中隨母渡江暴風母溺水死季詮號呼投江中少頃持母臂浮出水上都督謝叔方具禮祭而葬之

唐書

胡敬之南昌人諧之五代孫幼聰敏於學多通性高簡爲侍御史彈劾不避豪貴遷深州刺史卒於官高宗下

詔弔問賜絹歸葬

志林

李孝子逸其名霍王元軌孽子年十一母以獲罪於父被逐孝子隨母別居南昌方二載母病割股鄰里以狀

問志林

主

楊相如南昌人神龍初舉進士補當塗尉屢上書言當世事歷改晉陵陸渾又奏君臣政要三卷拜右拾遺開元末復上書語益切直出爲懷州別駕

南昌府

舊記

劉春虛字全乙新吳人時吳競爲洪州刺史方直少許可獨高其行改所居之里爲孝弟鄉以表異之開元中

舉宏詞累官崇文館校書郎與孟浩然王昌齡相友善評者目春虛詩情幽興遠思苦語奇可以傑立江表有

集五卷行於世

臧嘉猷進賢人開元中州牧吳兢召之不赴著無求論以見志競旌其鄉曰眞隱里曰正吉天寶閒采訪使以

名聞驛召至都堂論政左相李適之稱爲學究天人識洞精微宜加拔擢嘉猷以親老辭著德政八章以獻朝

廷嘉其節賜束帛歸命以其所居里爲旌賢撰王十翼七卷

南唐書

進賢 南昌府志 白志舊案嘉猷本南昌人宋崇甯閒析

熊曜南昌人祖九思察孝廉父彥方廣州錄參曜剛直

有詞學與達奚珣王維為文章之友開元中及第解褐

貝州臨清尉終曹參軍林志謹案南昌新志跋熊曜名不見唐書惟岑嘉州集

有敬酬杜華洪上見贈兼呈熊曜詩又文苑英華有熊曜瑯琊臺觀日賦

王季友豐城人博極羣書能詩舉開元進士李勉為江

西觀察使甚敬之表監察御史恩遷御史中丞杜甫詩

云丈夫正色動引經豐城客子王季友羣書萬卷常暗

誦孝經一通看在手豫章太守高帝孫引為賓客敬頗

久王也論道阻江湖李也凝丞曠前後吾輩碌碌飽飯

行風后力牧長回首其賞慕之如此自號雲峯居士有

詩集林志白志舊案唐乾元中元結嘗編沈千運于

篋中集以季友為河南人合諸杜詩豐城客子之句則王似籍河南而寓豐城者也林志斷其為豐城人考南

江西通志卷百三十四

三

唐時有豐城王季友南府或始而流寓後遂家焉姑仍林志之舊

余欽洪州南昌人開元初為四門直講官至太學博士

集賢院學士與諸儒撰六典三十卷初學志三十卷羣

書四錄二百卷見唐書馬懷素傳與張說徐堅賀知章趙冬曦

馮朝隱康子元侯行果韋述敬會真趙元默等為十八

學士集賢院注記謹案南昌阿志原跋余欽唐書作

蛇唐開元有太學博士余欽南昌人又有余贊見登科記茲據補入

趙炎開元末為當塗縣丞善丹青好結賓客李白贈詩

稱為南昌仙人趙夫子云南昌舊記

熊暄南昌人家貧躬耕力學大厯中擢進士第授祕書

省校書郎著文選穎悟并文集五卷白志

熊履素南昌人居南昌山三十餘年傾產買書聚徒講

業暇則荷鋤躬耕弟子自遠而至者與均衣食貞元三

年卒於家南昌舊記謹案南昌府志從萬姓統

南昌之南地近進賢俗呼上南山龔氏諸載南雲山在

稱履素為南雲先生諸熊氏譜無名履素者疑誤

熊執易洪州鍾陵人孺登從姪初舉賢良方正次潼關

有河中樊澤同舍逆旅雨淖困不能前執易哀之輟所

乘馬傾褚以濟自罷所舉新唐書樊澤傳貞元元年舉博通墳

典達於教化科十一年舉賢良方正能直言極諫科文獻

通考冊府為右補闕會裴延齡得幸德宗欲遂以相執

易疏論之以示歸登登動容曰願宣吾名雷霆之下君

難獨處新唐書順宗即位以庫部員外郎副左金吾衛

將軍田景度持節往使吐蕃新唐書元和二年為戶部

郎中與刑部侍郎許孟容大理少卿柳登吏部郎中房

式兵部郎中蔣武度支郎中崔元禮禮部郎中韋貫之

等於命婦院定開元格冊府所著有化統五百卷類九

經為書三十年乃成未及上卒於西川武元衡將為寫

進妻薛藏之不許新唐書藝文志謹案此傳

陶公達南昌人父雅温州別駕公達幼能屬文建中初

詣闕獻詩百首授同州澄城縣尉改美原丞貞元中副

元帥渾瑊奏辟為從事歷殿中丞侍御史豫章書謹

誤同知今改正

熊孺登鍾陵人元和進士官藩鎮從事有詩名與白樂

天劉夢得相唱和白有洪州逢孺登詩云靖安院裏辛

夷下醉笑狂吟氣最癡劉有送孺登歸鍾陵詩云篋留

馬卿賦袖有劉宏書有詩一卷豫章書

喻昂南昌人開成中登進士第以詩名於時徙家睦州
嘗與方干賦詩往還事見宋元豐中黃廉所作喻府君
墓表及方干詩集仕至高程尉有詩一卷行於世浙江通志

來鵬南昌人詩思清麗嘗游楚寒食有詩曰分明記得
還家夢徐瑞宅前湖水東當時誦爲佳句韋尚書由觀

察江西甚重之人物志在大中中譚元辛文房唐才子傳
之亂避地荆襄難南客死揚州有甚遺廣明庚子

詩一卷放胸事實唯見此書補錄備攷爲文師韓柳有
來鵬南昌人鵬之昆弟也鵬一作鵬

詩才咸通進士聲藉甚官觀穆宗實錄稱帝設史官執
筆廷中日書起居注號聖政紀鵠作頌以寓規諫著有

來公集一卷南昌者鄒垣新吳人宣宗龍潛時與垣爲友嘗游至其宅後徵
入朝辭不赴賜號清隱居士人名其地曰駕山府志

羅繇南昌之西山人宣宗時官吏部侍郎以直忤宰相
相謫吉州別駕子孫遂家吉之射洲南昌者舊記謹

羅繇疑是一人傅祁字伯強豐城人弱冠豪勇過人爲任俠乾符間王
仙芝攻洪州過豐城境祁率五百義士與戰於東岡之

左自日中至辰殺賊數百人賊益生兵義師遂潰祁死
焉土人爲之立祠卽今厚郭廟府志

熊袞南昌人先世避地入閩僦居建陽昭宗時袞爲兵
部尚書性至孝時當亂離例無俸給父喪不能葬晝夜

號泣天忽雨錢三日始畢葬事餘錢悉輸諸官福建通志
王子邵豐城人季友四世孫舉進士爲御史丞屬時艱

與弟兵馬使子邛子邦結民兵以衛鄉里及寇至子邵
搏戰賊悉眾掩之救不至遇害首雖殊猶跨馬走五十

里許乃仆賊大駭竟以是去鄉人祭之於社林志
孫勛字伯魚南昌人家貧好學會廣明喪亂都官郎中

鄭谷避亂居宜春春勛往師之遂以詩名嘗與沈彬李建
勳及齊己虛中相唱和仕南唐愍官宗正郎詩僅百篇

而金山甘露二篇尤膾炙人口豫章書白志舊案孫
詳何地人

羅仁節仁儉奉新人居晉城人以其姓名其地曰羅坊
兄弟以理學教授鄉里築精舍梧桐山下學者益眾李

氏有江南國相郡守交辟不能致獨與徐鉉游以布衣
終仁節嘗著書十四卷辨王霸仁義之說號宗孟集門

入私諡仁節曰中庸先生仁儉曰誠明先生縣爲表其
墓豫章書

涂廩南昌人仕南唐爲本縣尉撰補豫章記豫章書
有豫章志記作者非一人吳徐勣有豫章列士傳古志豫章

失作者姓名南唐涂廩有補豫章記明朱謀埠有豫章
者舊傳又有南昌者舊記失名雷氏記僅傳數條者舊

記撰述淹沒者可辨道哉陳溶南昌人仕南唐爲兵部郎中撰吳錄二十卷豫章書

謹案白謝兩志均有陳溶傳並不云陳岳子而陳岳傳
案語又云人名者志吳錄二十卷耳攻陳則二十卷謝非

其先盧陵人父岳志同有吳錄二十卷耳攻陳則二十卷謝非
翰林學士以兵部尚書卒撰吳錄二十卷實無所謂陳

翰林學士以兵部尚書卒撰吳錄二十卷實無所謂陳
部郎中俱撰有吳錄二十卷以爲洪州南昌人南唐兵

睿也今從陸馬南唐書訂正云云考陸馬兩書並吳壬臣十國春秋與文獻略說同獨謝志仍白志以爲岳子名睿而稱潛者爲失於效證不知何據又文獻略稱安志作睿今致安志臨江吉安陳岳陳岳傳並作陳潛誤而所引又是作潛之安志其破之中又有破矣

羅穎南昌人涉獵經傳開寶中舉進士例以黃衣守選及後主降宋穎再應鄉舉下第題詩漢高祖廟而死章

毛炳豐城人隱居廬山時爲諸生講得錢卽沽酒嘗醉臥道旁有里正掖起之炳瞋目呵之曰醉者自醉醒者自醒亟去毋撓予睡後徙居南臺山數年忽書齋壁云先生不在此千載只空山因大醉一夕卒

陸游南唐書

王定保字翊聖南昌人少與曹松同棲廬山十年唐光化中舉進士辟甯遠軍巡官時天下已亂定保辟地於

江西通志卷三十四列傳七

廣州節度使劉隱招爲幕客梁末帝時隱弟劉龔將建國憚定保抗直多異議遣使荆南龔國號南漢及還懼其非已使倪曙勞之告以建國定保曰建國當有制度吾入南門清海軍額猶在四方其不取笑乎龔曰吾備定保久矣而不思此宜其譏也授定保禮部郎中知制誥假祕書監使於吳楊行密見而奇之禮待甚厚累遷中書侍郎平章事雅好著述老而彌篤有撫言十五卷文集三十卷

十國春秋

宋

潘慎修字成德新建人仕江南爲祕書省正字隨李煜弟從鎰入貢且求緩兵會捷書屢至邸吏促入賀慎修謂國且亡當待罪何賀也時皆稱其得體煜歸朝太祖

擢慎修贊善大夫歷右諫議大夫翰林侍講學士慎修風度蘊藉博涉文史善清言士大夫與之游者咸推其雅尚惟寇準數毀之準知鳳翔謗議沸至慎修承命驗治反薦準有將相材所坐皆註誤不足罪真宗以爲然嘗稱慎修長者因書姓名於御屏又嘗稱其溫雅不忘舊主得臣子之操宜留祕府能解記注數月擢右諫議大夫翰林侍讀學士從幸澶州遭寒疾卒有文集五卷子汝士官工部員外郎直進賢院

宋史人物志

周鶚一作鶚字元輔豐城人當定昭二陵時邑人未甚知學鶚實倡之太平興國間五舉於鄉而四居首爲韓億客億子絳與之游及絳爲宣撫延鶚俱至京以布衣召對晚得學究出身

志

江西通志卷三十四列傳六

胡仲堯洪州奉新人累世聚居至數百口構學舍於華林山別墅聚書萬卷大設廚廩以延四方游學之士南唐時嘗授寺丞雍熙初年詔旌其門閭仲堯謁闕謝恩賜白金器二百兩淳化中州境旱歉仲堯發廩減市直以賑饑民又以私財造南津橋太宗嘉之除本州助教許每歲以香稻時果貢於內東門五年遣弟仲容來賀壽甯節召見特授試校書郎賜袍笏犀帶又以御書賜之公卿多賦詩稱美仲堯稍遷國子監主簿致仕卒仲容字咸和咸平三年復至闕貢土物改大理評事屢被賜資仲容建本縣孔子廟頗爲宏敞後遷光祿丞致仕天禧中特賜緋魚卒年七十九以弟之子用訥爲後試校書郎仲容弟克順端拱二年進士至都官員外郎三

司判官仲容子用之洎從子用莊用舟並進士及第

陳恕字仲言洪州南昌人少爲小吏折節讀書起家大

理評事通判澧州以吏幹聞召入爲三司判官擢度支

員外郎以工部郎中知大名府召爲三司副使遷右諫

議大夫知澶州俄知代州入判吏部選事拜鹽鐵使恕

有心計胥吏懾服釐去宿弊號爲稱職太宗深器重之

親題殿柱曰眞鹽鐵陳恕遷給事中參知政事坐漏洩

禁中語罷知江陵復以爲鹽鐵使其後爲立茶法召茶

商各條利害恕與副使宋太初共閱之第爲三等言下

等減裂無取上等取利太深此可行於商賈不可行於

朝廷惟中等公私皆濟吾裁損之可以經久眞宗卽位

加吏部侍郎命條具中外錢穀以聞恕久而不進屢趣

之恕曰陛下富於春秋若知府庫充實恐生侈心臣是

以不敢進眞宗嘉之知貢舉避嫌凡江南貢士悉被黜

又舉行貢舉非其人條然是舉以王曾爲首每自歎曰

吾得曾名世才也不媿於知人矣遷尙書左丞集賢學

士卒

東都事略謹案石城縣志引洪邁夷堅志石城縣志

墓證陳恕爲石城人考宋史稱

恕爲南昌人當以史文爲定

何蒙字叔昭洪州人精春秋左氏學南唐時進士宋初

爲洛州推官通判廬州稍遷司門召對訪江淮茶政條

奏稱旨賜緋魚眞宗朝知梧州改水部郎中上所著兵

機類要十卷以光祿少卿致仕

胡順之字孝先奉新人景德進士知浮梁縣豪民臧氏素橫負租順之率吏至其家掩捕按致其罪郡遣教練

江西通志卷一百三十四
列傳
南昌府
九

使詣縣入謁甚倨乃數其罪械而杖之郡吏斂迹厯青

州從事大姓麻士瑤陰結貴侍匿兵械親黨僕從甚張

陵蔑州縣會殺兄子事覺眾莫敢捕順之盡得其黨有

詔鞫問士瑤論死仁宗初遷太常博士再上宰相書乞

太后還政遷尙書屯田員外郎數論朝廷事爲范仲淹

所知然挾術尙權喜縱橫捭闔以失明廢

李從字伯順豐城人多貲能友弟厚俗有司征課急貧

不能償者代之輸且勤講學子三孫十一仕者八人

黃茂宗字昌裔分甯人父中理築館於櫻桃洞芝臺間

兩館游士常數百人故諸子多以校學知名茂宗高才

篤行爲兩館師大中祥符閒國學試進士以木鐸賦主

司拔王文第一而黜茂宗歸次尉氏遇翰林學士胥偃

呈所對賦偃大驚拉與俱還以賦示主司曰使舉子能

辦此何以處之皆曰王文不得爲第一矣偃以實告皆

相顧歎惋因抱賦上殿有詔特收試禮部擢高第授崇

信軍節度判官已而流落不偶卒於杭

袁抗字立之南昌人舉進士同學究出身以薦補桂州

司法參軍撫水蠻寇融州轉運使俞獻可檄抗權融州

推官事平遷衡州推官累國子博士知南安軍擢提點

廣南東路刑獄還爲三司判官以尙書金部郎徙益州

路時三司歲市上供綾錦鹿胎萬二千匹抗言蜀民困

憊願少紓餘力以備秦中他日之用是年郊祀蠲其數

之半黎州歲售蠻馬詔擇不任戰者卻之抗奏朝廷與

蠻互市非所以取利也金山前後五部落仰此爲衣食

江西通志卷一百三十四
列傳
南昌府
三

一旦失利因而侵侮不知費直幾焉臣念蜀久安不敢奉詔尋如舊制除江淮發運使召爲三司鹽鐵副使改少府監卒抗喜藏書至萬卷子陟少刻厲好學善爲詩終殿中丞

宋史

陳執中字昭譽恕之子也始以父任爲祕書省正字真宗不豫大臣無敢言建儲事執中上言太子天下本不可不早定擢右正言康定間以資政殿學士爲陝西同經略安撫招討使與夏竦同知承興軍議事多不合徙知涇州慶歷四年召拜參知政事諫官孫甫蔡襄言執中剛愎不才不可任以政仁宗不聽時章得象杜衍爲相賈昌朝與執中參知政事每議事執中多與之異甫襄言既不用因求去事下中書甫本衍所舉用而二人

江西通志卷一百三十四

列傳

王

者俱有名望於是中書奏乞留二人仁宗頷之明日衍出知兗州甫襄亦罷頃之得象免相昌朝與執中同相拜同中書門下平章事集賢殿大學士兼樞密使皇祐初以疾求罷五年復拜同中書門下平章事執中當國人不敏干以私四方問遺無及門者會張貴妃薨治喪皇儀殿追冊皇后禮官以非禮迎上意仁宗嘗詢執中而不能考正典禮以對悉奉行之深爲時論不與至和二年罷爲鎮海軍節度使判亳州還上節鉞改右僕射觀文殿大學士封黃國公徙河南曹州過京師以疾賜告就第加司徒岐國公致仕卒贈太師有司謚曰榮靈

詔謚曰恭

東都事略

李琮字世京從之子闕館延師豐饌廩以待學者邑之

東鄆有長隄江水湍激爲民患琮輸財於官易以石遂爲永久之利子秉爲高安酒正前官販酒六百斛秉以問琮曰隱而不言非忠也發而有罪非仁也力可及而弗爲非義也遂捐千餘緡庚其費而覆其貧代者得以理去

林志

余良肱字康臣分甯人天聖進士調荆南司理參軍屬縣捕得殺人者良肱驗其傷與刃異疑之白府請自捕逮未幾更獲真殺人者民失財物逾十萬逮平民數十人或附吏耳語良肱廉知其爲盜亟捕治贓盡得改大理寺丞出知湘陰縣奏蠲通米數千石通判杭州江潮漂民廬舍壘石隄二十里障之後爲三司判官方關陝用兵朝議貸都下民錢良肱力爭會大臣亦以爲言

江西通志卷一百三十四

列傳

王

事遂寢內府出腐幣售三司吏將受之良肱請付文思以奉帷幄歷遷光祿卿知宣州治爲江東最子卞爽最知名

宋史

羅孟郊南昌人徙居興甯縣天聖間舉進士第三累官翰林學士乞歸養母茅華蕭然母冬月思膳孟郊解衣入池取魚供母鄉人目其池爲曾子湖

人物志

過昱字彥明豐城人母早卒刻木爲像早暮漱盥飲食必進愈久愈勤閔世俗鮮知事親乃章古人孝道類三十卷名至孝通神集寶元間第進士常攝全州事正民僞版均平稅役其斷訟必反覆務盡其情至施刑常以惻怛爲念終都官郎中居定林自號定林老叟

林志

案人物志以過昱爲景祐進士與此互異

李秉字子正琮之子寶元開及第文學行誼過人同年司馬光范鎮雅相引重累官至都官郎中宿州刺史所

在以惠政稱同時過昱純孝何延世清直與秉並稱為

趙庶明字吉甫新建人少以功名自許寶元開詔求直

言庶明詣闕上書萬餘言大略謂銀夏契丹不可恃其

恭順而不備又言趙元昊必叛朝廷以爲狂妄斥建州

未幾元昊果叛上思其先見除徐州推官遷祕書省校

書郎知惠州政先慈惠民甚便之罷歸卜築於孺子亭

側人物

黃注字藝升其先金華人後徙分甯兄弟皆好學尤以文章意氣自豪舉進士得丙科初任永興主簿調公安

江西通志卷一百三十四列傳

南昌府

南陽素剛不苟合負其所有快快無所施卒以不得志

死於南陽其文博辯雄偉意氣奔放不可禦平生所著

有破碎集南陽集公安集凡三十卷六一居士集

志舊案黃山谷跋

墓志後云叔祖夢升學問文章五岳縱橫制作之意似

後陵康信不幸得人問四十年爾使之白髮角逐於

三集今皆失傳林志載其弟茂先名顯景祐進士官太

子沈馬亦有父名

黃庠字長善分甯人博學強記超敏過人初至京師就

舉國子監開封府禮部皆爲第一比引試崇政殿以疾

不時入天子遣內侍卽邸舍撫問賜以藥劑是時庠名

聲動京師所作程文傳誦天下近世布衣罕比也歸江

南以病卒

宋史

黃應字富善分甯人庠之弟學尚氣節皇祐進士爲京

兆法曹將謁府賓吏告曰法曹庭參拜庭下此例也應

不可解冠裳於庭而去隱居芝臺書院子準博洽工詩

有雲樵居士集人物

李冕字君儀秉之從子弱冠與弟茂元省其舅晏殊於

京師辭歸殊曰比當郊天吾奏汝一官謝曰冕足自厲

茂元少舅宜恩之明年茂元補太廟齋郎冕久之亦調

崇安簿縣民謝叟無子育他姓兒以致富晚婢舉一兒

叟垂死戒曰吾故竇藉汝兄助吾致富分財當優之後

婢兒壯詣縣乞還兄姓令欲判可冕詰婢兒不服更訴

於州蔡襄爲運使行縣卽訊冕迎白曰法順人情今與

人同艱辛以致豐裕終奪而窘之非人情也且重違其

父志襄曰非主簿言吾幾誤矣續爲舒州司理治懷甯

盜獄平反三人時王安石爲州判因欲抵懷甯令罪冕

不可司理院月評物價冕特昂絹直安石詰其故曰計

贓以絹爲量歲饑民多爲盜贓不滿匹則緩於死不爾

三絹殺一人矣安石服而謝之人物

李亢字君起秉之從子以舅晏殊恩試將作主簿泉州

戶曹臨川丞在泉州將貪墨僚屬皆厚獻以取薦亢與

帥曹獨無所奉郡將尋以贓敗二掾免焉在臨川臺使

者以南豐缺令命亢移攝政化大行居數月以病歸

何廷世字琳之豐城人慶歷進士爲都官郎中有清直

聲與過昱李秉齊名繼知連潮二郡與周茂叔爲僚友

雅相愛重爲詩清灑有韻族子莫字亨道鄂州功曹參

古文詞有名太學號半隱山人人物志

黃廉字夷仲庠之從弟嘉祐進士歷任州縣擢利州路轉運判官遷司農丞為監察御史裏行建議兩制近臣及轉運使各得舉士詔各薦一人河決曹邕壞民田廬受詔安撫所活二十五萬人元祐初為戶部郎中改陝西轉運使志林

袁陟字世弼抗之子少有才名與王安石蘇軾曾鞏善未冠登慶曆進士知當塗縣安石居金陵嘗手寫陟詩一軸以遺其友陟讀書最苦竟以癰瘡不起自為墓志挽章有詩文十卷號遜翁集人物志

李廷瑞字雲紀豐城人教諭廬南劔延平書院山長母歿廬墓踰年有白蓮生廬前田畝中人謂孝感所致志林

江西通志卷一百三十四列傳

黃庶字亞夫茂榮從子登嘉祐進士歷州郡從事攝康州治有聲仕不得志遂刻意於文詞所著有伐檀集子大臨庭堅各有傳志府

徐禧字德占洪州分甯人熙寧初呂惠卿領修撰經義

禧以進士充檢討上治兵策惠卿給事中王師伐西夏

鄜延帥沈括請城永樂詔禧與李舜舉往相其事李舜

主糧餉城成禧與舜舉括俱還米脂皆明日賊數千騎

趨新城禧亟往視之與舜舉舉俱行括獨守米脂比及

永樂賊傾國而至禧自率士卒拒戰賊眾分兵迭攻重

圍既合城中乏水士卒渴死者大半括退保緱德城永

樂城陷禧與舜舉俱歿神宗哀禧等死贈禧吏部尚

書賜諡忠愍事都事略

謝志舊案宋史載禧好言兵

寡謀輕敵以至於敗以其死事一節故錄之

黃介字幾復南昌人熙寧九年同學究出身知四會縣新興民岑探為讖鬼惑眾新州捕其家繫獄探誑言吾能三呼陷州城從者百數至城下言不效皆散去新州聲張以為豪賊挾眾攻城經略使遣將童政捕斬官軍所遇薪水行商皆殺之介自陳於經略請以所領士丁不隸部曲且言政所效首級莫非王民一童政之禍百岑探不足云黃山谷集

陳永齡南昌人熙寧間知欽州交趾入寇永齡率兵固守城陷不屈而死邦人感其義建祠祀之廣東志

王本字觀復分甯人六歲能詩登元豐進士知海鹽縣時導松江入海民多役死明年議欲再舉本請罷之歷

江西通志卷一百三十四列傳

京畿運使京邑吏牘多弛本承命徧行勾校雖他司事

悉以聞歷知揚州兼淮南東路兵馬鈐轄歲旱出繫囚

數百人天大雨遂有年取郡事悉調理之公私兼裕流

民皆復志府

胡田字雲從奉新人元豐間參鄜延副總管曲珍軍事

敗夏人於金湯以功進忠訓郎左殿直轉右侍禁元

符開同從弟良孺上書論瑤華宮事編管本州志府

潘興嗣字延之新建人慎修之孫以蔭授將作監主簿

少孤篤學與王安石曾鞏王回袁陟俱友善初調德化

尉以下能俯仰上官棄官歸築室豫章城南日讀書其

中六十餘年手鈔至數百卷年八十七卒集六十卷南昌

記

吳居厚字敦老豫章人舉進士第元豐初提舉河北常平又爲京東路轉運副使卽萊蕪利國兩監官自鼓鑄贍足一路拜天章閣待制升都轉運使又請鑄大錢以一當二歲出二十萬緡佐關陝兵食神宗曰居厚於分職之外卹及它路非才智有餘不能爾元祐初朝廷稍更新法以寬大爲政於是御史言居厚苛刻責散官黃州安置尋知廬州紹聖初以集賢殿修撰爲江淮荆浙等路發運使旋復舊職疏支家河通漕楚海之閒咸賴其利召爲吏部郎權尙書加龍圖閣學士知開封府修奉永泰陵居厚爲橋道頓遞使出知和州創將理院及醫藥使病者有歸多所全活後朝廷設坊安濟大概如居厚所建云除戶部尙書拜尙書右丞遷中書門下侍郎

江西通志卷一百三十四列傳

宅

鄧大觀初請老提舉鴻慶宮退居豫章築室東湖之上久之起守本郡徙帥河東過闕復拜門下侍郎知樞密院事乞改重幣爲當三以息貪夫盜鑄之患時遼使至居厚言於徽宗曰盟好不可違也願益敦信誓以安敵情徽宗嘉納焉以武康軍節度使知洪州踰年卒贈開府儀同三司

東都事略

李安國字元佐南昌人少穎悟力學始知南城剖決無留牘常累月獄空無人改宜黃縣罷不便民事二十餘條尋判贛州以史正志洪邁薦除知常州開除無名之逋十八萬省楮幣百萬始至軍無數月之儲比及三年錢以緡計者七百萬米以斛計者三百萬治熙初擢戶部侍郎

南昌耆舊記

黃大臨字元明分甯人庶之子紹聖間知萍鄉縣或諷其過慈大臨曰字民令職也豈其操三尺與百姓讎敵哉徙知龍泉其治如萍鄉秉法自持私謁不入提舉張根行部雅聞其賢折節禮下之

人物志

黃庭堅字魯直洪州分甯人幼警悟從舅李常見之以爲一日千里舉進士爲葉縣尉又爲國子監教授初蘇軾見庭堅詩於孫覺之坐上異之後過李常於濟南見其詩文以爲超逸絕塵獨立萬物之表者由是名聲始振知太和縣又監德安鎮召爲校書郎爲神宗實錄檢討官逾年爲著作郎母喪服除祕書丞提點明道宮紹聖初議者以實錄多誣失實責涪州別駕黔州安置以親嫌移戎州監鄂州稅僉判甯國軍知舒州召爲吏

江西通志卷一百三十四列傳

宅

部員外郎勾郡知太平州庭堅嘗作荆南承天院記部使者觀望宰相趙挺之意以庭堅有言坐除名編管宜州卒年六十一始庭堅與秦觀張耒晁補之皆游蘇軾之門號四學士庭堅特長於詩江西詩派祖庭堅世以配蘇軾稱蘇黃云

東都事略

黃叔達字知命庭堅弟負奇節人有臭味投者推挽之不遺力意所不可雖衣冠貴人亦唾辱之與彭城劉師道友善嘗之京師同師道謁法雲禪師於城南夜歸過龍眠李伯時叔達著白衫騎驢道中搖頭而歌師道負杖挾囊於後一市皆驚以爲異人伯時素善畫因爲圖邢惇太作夜歸圖詩以歌咏之叔達小詩樂府皆清麗可愛有詩四十首附見山谷集中

人物志

洪朋字龜父南昌人父民師爲石州司法參軍性孝以
致卒朋幼孤受業於祖母文成君李氏手不釋書落筆
成文尤長於詩舅黃庭堅嘗謂龜父筆力扛鼎異日不
患無聞兩貢禮部不遇早卒遺藁有清非集

人物志

洪炎字玉父與兄朋弟羽俱以文詞名世號四洪舉
進士爲穀城令坐以兄弟罷元祐黨同貶竄復知潁上
譙縣並有循政累官著作郎祕書少監罷高宗初召爲
中書舍人時方倥傯除目填委炎操筆立成訓詞與雅
同列歎服有西渡集嘗編列仙隱儒事蹟三卷號塵外
記又手錄雜家小說行於世

南昌舊記

洪芻字駒父有詩名靖康初爲諫議大夫坐事流沙門
島嘗著豫章職方乘老圃集及編楚漢逸書若干卷

人物志

江西通志卷一百三十四

列傳

志謹案建昌縣志載洪羽字鴻父有詩名事實無錄羽爲朋季弟附志羽後

潘淳字子真新建人興嗣之孫淳少穎異好學不倦淹
貫經史百家之言師事黃庭堅尤工詩曾輩知洪州乞
錄興嗣後尙書右丞黃履復以淳爲請補授建昌縣尉
陳瓘劾蔡京言者目淳爲瓘親黨坐奪官不以介意歸
自稱谷口小隱所著詩並詩話補遺傳世

人物志

黃叔敖字嗣深分甯人廉之季子元祐進士乙科累官
廣東轉運判官兼提舉市舶上疏言嶺表地偏冬無霜
雪瘴癘所鍾其所產不足以奉玉食再三力請爲奸黨
蔡嶽所中免官未幾復職徙荆湖北路轉運判官廉訪
使時李熾怙勢侵擾州縣叔敖以好狀聞詔鞫得實寬
滋衡州中人側目紹興初除給事中上疏論朋黨未革

不可以爲治比來上封事者頗有告訐細故摺摭
非求言本意除兼侍讀壘戶部侍郎進尙書以通議大
夫致仕所著有文集十卷春秋講議三卷奏議十卷

志

孫發字妙仲豐城人幼穎悟勤學元祐進士補崇仁尉
民有盜宗人財就執而父病死因誣宗人所傷發按問
非是民大窘醉其盲弟廢一手聞於州州疑其冤遂移
獄有司迎指發力辨不已因作截臂行以告在位者後
知永豐縣以母老遂致仕時人高之有數山集若干卷
發孫鄉貢士奇字師穎從子進士哀字子稷俱以文行
稱哀有楚堂文集豫章野錄炎興傳信記補白氏六帖
奇有玉隱類藁周禮備檢詩幹總辨等書世號三孫先

江西通志卷一百三十四

列傳

生豫章

黃得禮字執中豐城人元祐進士爲柳州推官建中靖
國初應詔言事其略云嘉祐熙甯之法仁祖神宗之所
爲也而主熙甯者曰必爲之更變主嘉祐者曰必爲之
守常分曹爲朋迭立勝負宿怨快於私門實禍歸於公
家朝廷顧何所賴惟天子建中和之極擇其善者從而
增損之此行法之要也人才實難口語疑似無四凶之
罪而加以流竄之刑瘴霧蠻煙不死不已遺骸旅櫬雖
死不還土有持平如彭汝礪葉濤之徒其言未必見省
此風不革異日必有以伏刑都市參夷五族之法聞於
上者矣願朝廷退人以禮宰輔爲國受言變摺紳鉅薄
之風增社稷靈長之福此任人之要也時皆以爲篤論

人物

胡僧孺字唐臣奉新人直孺之兄在元祐紹聖間聲稱甚著直孺十詩中所謂阿兄驚世才者是也陸放翁嘗言胡唐臣少汲兄弟俱爲江西名士其朋友亦皆知名不媿金昆玉友人物志

胡直孺字少汲奉新人紹聖進士爲洛州司戶與錄曹同治獄嘗有盜夜殺人於智井莫能獲乃執鄰人疑似者卽誣伏直孺卻其獄竟雪之時議重貶元祐諸賢直孺爲之營解遷監察御史出知平江府擢江淮湖浙發運使入爲戶部侍郎遷工部尚書除知南京金人再犯京師直孺率民兵入衛力戰不利見執久之得歸欽宗慰之曰孤城圍閉天下兵至者獨卿與張叔夜耳高宗

江西通志卷一百三十四列傳

三

立除知洪州進刑部尚書兼侍讀多所獻納御書文物多師古朝廷半老儒於扇以賜改兵部兼權吏部有生還錄及西山老人集二十四卷人物志

胡良孺奉新人直孺從弟以漢川錄事參軍應詔論瑤華宮事有緣衣上僭之語崇甯初被禁錮五年詔收敘而卒人物志

范瑄字次房靖安人紹聖進士大觀中獻時政利害八事令南漳上言監司州縣培克誅求徽宗覽章示執政曰范瑄小臣忠於報國非瑄朕不聞此言且令召瑄察其才欲待以不次執政不可遂自乞知鬱州復奏嶺南漕臣徐惕僞作御筆處分收買珍禽異獸犀玉珠貝瑋瑁翠羽孔雀玩好瑰異以萬數騷動兩路民不聊生封

章再上陽遂罷前後奏事剴切深中時弊官終左朝散大夫人物志

余卞字洪範爽字荀龍皆以任子恩試卞爲校書郎爽博學多大略累爲湖北安撫使句當機宜文字討蠻有功知沅州徽宗卽位改知靖州章惇憾其不附已除名竄封州久之起知明州未行以言者罷宋史

范瑤字舜文豐城人政和進士授虔州議曹改節度推官時盜起爲畫策守備城賴以安歲輸賦於郡胥吏爲奸瑤典其事盡革薦知甌甯縣既滿縣人爭留之列其治狀十事於郡太守魏玘以聞召對便殿問何以得民如此曰臣知爲陛下愛民耳拜兵部員外郎遷樞密院檢詳文字以與秦檜不合出知南劍州未幾請祠

江西通志卷一百三十四列傳

三

歸有松谿集林志白志舊案虞伯生松谿集序范公忠簡論王倫劉子蓋出范筆胡以范親老號上必有危禍而自上下之胡南遷范亦遂去國家居終身傳中失載今宋附

呂延年字商老靖安人政和進士紹興間調知南安縣李綱力薦於朝轉江西宣諭司議事攝瑞州招捕盜賊旬月盡平以功歸同列知蘄春浩然勇退林志

黃彥輔字伯彊豐城人得禮之子政和進士善著論刊落陳言厯官所至有聲事辦而不擾陳瓘謫合浦彥輔以書慰之瓘答書曰長沙問鵬不如忠州論藥三復來書吾無閒言爲人豪爽醞藉嘗在京師樊樓酒酣賦月詞十篇皆以望江南歌之都人聚觀謂謫仙墮世明日詞傳禁中後爲吉水令卒林志